

三

峽

通

志

三峽通志小引

秭歸峽中故郢也西北抵夔關為水驛
者四東南下夷陵為水驛者二總之蓋
五百里而近自昔所稱三峽險竒諸境
囊括於中矣己丑歲余量移此州日上
府受事多苦後期常冒險下峽歲不啻
七八徃今且二歲矣於艤舫黃陵諸名

灘固目習而心安之直平平耳巫峽半
出碓境然以勾當施州道巫山以歸嘗
泝流往游者一如宋大夫所賦高唐杜
少陵詩所詠神女峰娟妙者蓋已獵其
大都矣獨夔峽遠在上游無繇一至以
稍寓目于西瀼灩澦之間而州鮮藏書
家即求古峽中記以供卧游未能也於

是出所携一統志楚蜀通志旁取荆夔
諸郡邑誌會而粹之首夔峽其次巫峽
歸峽又次之雖山川並列而於灘沱獨
致詳焉重志峽也文自宋大夫而下詩
自魏晉而下彙編臚列雅俗具陳凡事
與人之有係于斯地者亦附著焉總五
卷題曰三峽通誌刻之郡齋以延

廣同好云然末學竅啓聞見有涯俗吏
蓬心賞鑒無適必多掛漏龐雜之弊廣
增痛訂尚有俟於博雅君子焉會是歲
當上計大都行且求必得峽中記為稍
質補之也刻成因識數語於篇端

萬曆辛卯秋七月既望豫章吳守忠謹識

三峽通志卷之一

高安吳守忠編輯

黃岡盧國禎校次

三峽異同

盛弘之荊州記三峽七百里中兩岸連山畧
無闕處重岩疊嶂隱天蔽日自非亭午及夜
分不見日月

杜脩可曰峽程記云三峽謂明月峽巫山峽
廣澤峽其瞿唐滄瀨之類不係三峽數

朱肇記三峽謂西陵峽巫峽歸峽也當以此為正

三峽中額設公署衛所

峽中為府者一夔州府為州者二夷陵州歸
 州為縣者七奉節縣巫山縣建始縣大寧縣
 巴東縣興山縣長陽縣為巡檢司者三歸州
 牛口巡檢司南邏巡檢司夷陵州南津關巡
 檢司為水驛者八永寧驛高唐驛萬流驛今廢
 巴山驛建平驛今改屈溪驛今廢黃牛驛鳳棲驛
 為遞運所者三夔州府遞運所歸州遞運所

夷陵遠運所為軍衛者二瞿唐衛施州衛為所者二長寧守禦千戶所夷陵守禦千戶所

夔峽考 即西陵峽

夔州府

白帝城

府治東公孫述據蜀自稱白帝因以名城

魚復浦

府治東南漢魚復縣以此得名

八陣碛

府城南其陣聚細石為之各高五尺皆布列相當中間相去九尺正中開南北巷悉方廣五尺

各六十四聚或為人散亂及為夏水所沒水退復如故又有二十四聚作兩層其後每層各十二聚晉桓溫伐

蜀經之以為常山蛇勢

瞿門關

丞相廟

府治八陣墓下

三峽堂

府治東瞿唐關內宋肇有記

鐵鎖

白帝城下崖穴中宋景定五年守將徐宗武置以欄江計七條二百七十七丈五尺五寸十分

白鹽山

府東十里崖壁高峻色如白鹽張琬書赤甲白鹽四大字於上與赤甲山夾江對峙蜀之

崇嶺也 聖姥泉

瞿唐峽

府東十三里舊名西陵峽峽兩崖對峙中貫大江全蜀之門戶也瞿者大也唐水所聚也又云

瞿者梁也秋冬水落為瞿唐者塘也春夏水溢為唐

粉壁堂

峽口白鹽山下古人磨崖刻石於上以粉塗之有天子萬年四大字元人趙惠有中興頌

孟良梯

瞿唐峽上與粉壁相連孟良欲夜過聞鑿石架木為梯形迹猶存

白帝山

府東十三里孤峙峭絕公孫述據蜀井中有白龍出因稱白帝山亦以名

清涼洞

府東十三里在瞿唐上

灩澦堆

屹立瞿唐峽口中流之砥柱也按水經云白帝城西有孤石冬出水二十餘丈夏即沒秋時方出諺

云灩澦大如象瞿唐不可上灩澦伏如馬瞿唐不可下峽人以此為水候

鐵柱

瞿唐峽口石盤上鐵柱二根高六尺四寸夏秋水沒冬春復見

赤甲山

在府東十五里不生草木土石皆赤如人袒背故曰赤甲或云漢時曾取巴人為赤甲軍因名上有孤

城相傳公孫述築類要謂即古魚復縣基

旗臺

赤甲山畔臺址猶存

兵書匣

瞿唐峽中赤甲山下岩穴間露一匣甚高峻不可升相傳上古之兵書或云魯班之風箱也

鐵鎖關

瞿唐峽中赤甲山下

百年關

府東十五里魏辛毗云夔州百年關兵馬不可越

黃嶽

府東二十里在瞿唐峽比夏秋水大舟不可冒險而行

龍脊灘

府東岷江中有石長百丈若龍脊夏沒冬見

虎鬚灘

府東三十里唐杜甫詩瞿唐漫天虎鬚愁

黑石

府東三十里水漲不可行諺曰黑石下井言險當戒也

茶槽

鬼門關

府東三十里宋黃山谷謫官於涪經行有詩云鬼門關外莫言遠即此處也

大溪口

在巫山縣西八十里澗水與岷江水會於溪口

泗滾

在巫山縣西五十里澗水橫通大江因名曰滾西山相峙一名錯開峽相傳禹命將治涇而將誤鑿禹戮之

下馬灘

在巫山縣西二十里夏秋水溢冬水涸漢石峻岩舟人至此皆恐懼焉蘇子云赤溪澗口水聲潺潺

即此灘也

過冬岩

在巫山縣西二十里夏秋水滿不見至及水落見之

巫峽考

巫山縣

陽臺山

縣北高百丈上有陽臺遺址

望江亭

留石

縣西高唐驛前古云留石以爲瞿唐莫下留石似象瞿唐莫上與澗瀨石同舟人以此爲水候候驗

高唐宮

志載巫山縣城西絕頂之上宋玉賦高唐即此

煖水渦

縣南水落乃見巖及水煖滌衣極潔

卧鬼石

寧河東渡

焦石岩

縣東半里鎮大寧河

孔子泉

縣東半里說者謂旱而祈則應泉旁之民雖童子亦能書王十朋集詩畧云巫山亦有泉可飲仍可

衍泉旁人幾家聰慧多奇兒
父母倘加教聖門皆可歸

古楚宮 縣東北二里女觀山西野小山頂上楚襄王所
遊之地宋黃庭堅石刻所謂細腰宮是也

一百八盤 縣南隔江蓋
施州正路

驅熊山 縣東二十里下有石灘四
李滯急如熊聲一名陸陸候

橫石山 縣東十里有巨石
於江澗一名錦屏

跳石灘 縣東南十五里舊傳江北山頂
巨石跳落南崖其灘至久於此

清水洞 志不載按入蜀記
厚在十二峯上

十二峰 山曰望霞翠屏朝雲松巒集仙聚鶴淨壇上泉起
雲騰鳳登龍聖泉沿首尾一百六十里海沈於所

詩見

巫峽

縣東三十里即巫山也水經云杜宇所鑿以通江水而

神女廟

縣東三十里舊傳楚襄王遊於高唐夢一婦人云

六曰妾在巫山之陽高丘之岵朝為行云暮為行雨比旦視之如其言遂立廟焉曰朝雲遂使神女賦云襄王遊雲雨之浦使宗王賦高唐之事其末與神女過唐李義山詩一自高唐賦成後楚天雲雨盡堪疑宋吳則言詩惘惘巫娥事不平當時一夢是塵成只因宋公問晉叻源盡巴江洗不清

青石

縣東南三十里與十二峰相對

寒山

縣東五十里垂崖千仞絕壁萬丈其勢萬寒朔州記云寒山九坂最為險峻

黃志城

縣東六十里近紫雲池 皮石 縣東六十里

臚甲崖

縣東六十五里有武安王廟有泉一泓謂兵至此無水後刀刺地泉水湧出溪在廟西崖在廟北王

十朋詩得勝最高蜀虎臣氣吞兵魏失防
月磨刀晒甲遺踪在英鬼倘能敵萬人

得勝關

縣東六十五里下有二溪河宋詩
關羽姓旗何憂去空留英氣照滄波

三分泉

夫子洞

萬流溪

縣東一百五十里自施州界
流至此合大江名萬流如

向王洞

巴東縣西
四十里

東奔峽

巴東縣北三十里孤峰
絕壁蜀江奔流如馬奔

門扇峽

巴東縣西三十里兩岸峭壁如
門秋夏水溢甚險每行危之

雲沱

巴東縣
西十里

萬戶沱

巴東縣西十里古置萬戶侯此故名杜甫詩
云滾東滾西一萬家江南江北春多花

龍昌洞

驟子沱

巴東縣西四里上有一石
如驟首向江中水急平之

歸峽頭

歸州巴東縣

寇萊公祠

縣治西旧在江北旧縣内祠有二楹民以此并崇本朝徙建於此公安縣亦有公祠

秋風亭

將大江左寇準建

白雲亭

縣治宋縣令寇準建

向王城

志不載惟有向王山志載在巴東縣北未知是否

破石峽

縣東五里有石如刀劈破清水灘

龍渦沱

縣東五里水清澈深不可測相傳靈物所潛有向王遺蹟

苟使沱

縣東十里有巨漩

香壩灘

縣東十里

八斗灘

縣東十五里有名八上下

卷之二 一

橫梁灘 縣東二十里有石橫巨水中舟行沂流而上每灘之

石門灘 縣東三十里有巨澗高滑石灘州西北

拽灘 州西北三十里 叱灘雷鳴洞 州西二里舟行至此多覆

輕人鮓龜頭舡叱灘之 蓮花灘 烏石州對面大

夔沱 州西三里 楚王井 楚王臺

翰林亭

屈原祠 州東一名清烈公廟原有賢姊名湏闢原故

姊歸后立女娒廟于原之故宅

丹陽城 州東北枕大江即今俗傳所謂古越州是也